

KUMPUAN
RAM LEH HNAM
HUMHALH

YMA

AW



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO. 10 24th Mar 2013

Fresher Social leh Kumpuan Hawn Programme hman a ni

Ram leh hnam humhalh tur hian nang leh kei hian tihtur kan nei

- K Darthantluanga, Chairman, Kumpuan Sub-Committee

Chanmari West, 24th March: Chanmari West Branch YMA Executive Meeting-in a lo rel tawh angin Ni 24.3.2013 (Thawhleh) zan khan Fresher Social leh Kumpuan Hawn programme chu tluang takin YMA Zawlbukah neih a ni. He hun hi Pu C Lalzarliana, President CWBYMA chuan hneh takin a kaihruai a, NI Lalramengi, Branch Executive member chuan Pathian hnenah programme hi hlanin hunserh a hmang a, Pu T. Ngurkhuma Vice President-in YMA member-te lawmna thu tawi fel tak leh ngaihthlak nuam takin a sawi.

Fresher Social leh Kumpuan hawn programme-ah hian Tv Zairemmawia, Secretary CWBYMA hnen atangin report tawi fel tak ngaihthlak a ni a, tin, member kalzat inchhiarna neih a ni bawk. Branch YMA hnuaia section hrang hrang leh Sub-Committee peng hrang hrang hruaitute an kal ḥa hle. Hemi zana member kaldan chu hetiang hi a ni:

Branch OB-6 EM-24 Adviser-1 Total-31

Section	OB	CM	M	Total
G	5	17	11	33
K	6	18	17	41
N	5	17	9	31
T	6	19	9	34
V	6	25	15	46

(CM-Comt.member; M-Member)

Vanapa Section hian hruaitu kalkim lawmman ` 1000 an dawng.

Section hrang hrang hruaitu leh Sub-Committee peng hrang hruaitute an kal that viau rualin member lamin he programme ngaih pawimawhna chang kan hre lo erawh chu a pawi hle.

Sub-Comt	Member	Kal zat
Kumpuan	17	8
Silver Jubilee	19	4
Thlanmual	19	12
Property	14	10

Branch YMA Zaipawl-in thiam tak maia 'Kan Sakruang Mizoram Tan' tih hla an sak leh, NI Duhsaki, Durtlang in

'Tlawm ve lo Lalnu Ropuiliiani' tih hla a sakte chuan kalkhawmte thinlungah Ram leh Hnam Humhalh duhna rilru a puttir ngei ang le. Mipuiin Mizo Hnam Hla 'Ro min relsak ang che' tih chu thinlung takin an sa bawk. Pu Rotea special item-chuan mipuite beng a titlai hle. Tualchhung nula Bzi'n 'Tlawmngaihna' tih hla hmangin thiam takin mipui a awi.

He mi zana mipui kalkhawm chhan ber mai 'Ram leh Hnam Humhalh' kumpuan chu Pu K Darthantluanga, Kumpuan Sub-Committee Chairman-in hawngin, Ram leh hnam humhalh tura mi tinte mawphphurhna fiahfai takin a sawi a, Kan veng, kan khua leh kan ram humhalh tur hian nang leh kei lo chu thawk tur an awm lo' a tih chuan ngaithlatute thinlungah chona nasa tak a pe ngei a ni tih tilang chiang turin kut beng thawm a ring hle.

Branch YMA Zaipawl-in 'Lenlai nite hi kan la ngai dawn e' tiin kalkhawm mipuite an thlah a, kalkhawm mipuite lung a leng hle. Pu R Lalmachhuana, Treasurer CWBYMA chuan, tawi fel tak, funkim tak siin lawmthu a sawi a, Pathian hnenah ṭawngtauin hun hnung a chang a, kham lo takin Ram leh Hnam Humhalh tumna rilru pu thar chungin kalkhawm mipuite an ṭin.

Branch News

● Ni 19.3.2013 (Thawhleh) zana Fresher Social leh Kumpuan hawnna neiha member tel zawng zawngte, mixture leh bungrua hawhtirtu Tv B Lalsawmzuala chungah Branch-in lawmthu a sawi.

● Branch Executive Member Pu Lalrinliana Silchara zin, Pu Lalchhanhima Sakawrdaia zin leh Adviser Pu F Zosanga Khawzawla zinte dam takin an lo haw leh ta.

● Branch Adviser Pu Lalrengpuia Sailo fanu Pi Lalhmangaihzuali kum 40 Silchara missionary hnathawka - awm ni 21.3.213 a boral chu lusun chhungte Branch YMA-in a tawrhpui hle.

● Ni 22.3.2013 Zirtawp zan khan Silver Jubilee Fund Raising Committee Meeting ṭum khatna ṭhut a ni.

Ni 16.3.2013 (Inrinni) zan khan YMA Zawlbukah zu rui buaina siam tlangval 3 chu Branch hruaituten an zilh. Zu rui chunga buaina siam ching an lo awm leh thin hi Branch YMA chuan pawi a ti hle. Hetianga buaina siam hi an awm leh a nih chuan Branch YMA chuan hremna na si lo, zahthlak leh tih fo atana ḥa lo tak a tihtir tawh dawn a ni.



TUNKAR CHANGVAWN

Mi, engmah ni si lovin, mi lian deuhva a inruat chuan a inbum chawp mai a ni si.

Galatia 6:3

Editorial Board

Editor:	R. Lalrinngheta	9862358337
Joint Editor :	Lalchhandama	9862358347
	J.Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K. Lalremluanga	9862119608
Cir.Manager :	Jacob Lalrinsanga	9612319779
Production Manager :	T. Ngurk huma	9436190843

Branch Office Bearer

President	C. Lalzarliana	9436142049
Vice President	T. Ngurk huma	9436190843
Secretary	Zairemmawia	9862385654
Asst. Secretary	RL. Thanhnuna	9436152760
Treasurer	R. Lalhmachhuana	9436151817
Fin.Secretary	K. Darthantluanga	9436196071
Adviser-te :	Pu F. Zosanga	9436142106
	Pu A. Biaklawma	9436363169
	Pu Lalrengpuia Sailo	9862075614

Editorial :

Kumpuan "Ram leh Hnam Humhalh" chu kan Branch-ah kan hawng ta bawk a, theihtawpin mahni hmazawn theuhah hma i la teh ang u, ti nghal tawp mai teh ang.

Mi tihdik loh leh tlin lohna lai hrim hrim han zawnt hi insiamthat nana kan hman hlauh chuan a ṭangkai viau thei bawk. Kha programme kha fak tur leh sawisel tur zawng reng rengin i'n thlirlet ve leh hram teh ang.

Tum danga Branch programme aiin a rei lova, a felfai bawk, member tam zawk an haw hmain kan zo thei kha a tiichi khawp mai. In hawsan ṭeu hnu Lawmthusawi a ngai thinte hi chu a zia lo deuh. Hun hmangtute'n hun an ren thiam, an inbuatsaihna pawh a ṭha viau e. Mahse ṭan hun taka ṭan thei turin mipui lam leh a hruaitu lam kan inpeih hman lo erawh a pawi khawp. Hruaitute chauh kalna tur emaw tih mai turin member kan kal tlem erawh chu a zia lo deuh, hruaitute kan kal that viau laiin member-te kan ko chhuak zo lo kha chu inenlet kan ngai khawp mai.

Kan sound system lam chiangkuang tawk lo hian beng chu a tikham viau. Kan hmunhmain a zir ngang loh vanga seat arrangement fuh thei lo erawh hi chu tun maia siamthat chi a ni lo. Section Leader-te an han Usher zet chu an hneh khawp mai, mahse Thupui pawimawh tak kha kal pahin an ngaihthlak vel mai mai hmel a, a tiichi ber lem loh.

Engawhnise, kan mawh phurhna theuh kan puak haw theih chuan a hlawhtling thawkhatah ngai phawt ang.

Article:**HMEICHHIAIN PUAN AN VENG VE TAWH***Eta, V-sect***Thing phen aṭangin:**

Keini hi sawi loa kan awm reng mai chuan, lungte tal a au chhuak dawn si a ti theitu (thu leh hla lamah - kan vengah chuan Ngawireng Pawl ang chi) an ngawih tak rengah chuan, kei, Lungte nia inngai hi ka au chhuah mai loh nakah!- Pu Chawia teho tukthuan ei chu a tui loh phah deuh mai thei.

Kan thupui han en khian chhiartu tam zawk ngailhdan a ni lo nghal viauin ka ring. Amaherawhchu, chhungirlah hian ruahthimpui sur tur in tham ang ut ut hian min tur ut ut mai si a. Sazu pawh meikhu a kan ur tlat chuan a hletah a rawn tlan chhuak nge nge ṭhin ang mai hian min ur chhuak ve ta niin ka inhria, tling lo inti tak chungin ka rawn tlan chhuak e min lo vawthlu em lo ang chu maw!

A khawkrawklai:

Kan hriat theuh angin kan pi leh pute hunlai khan, hmeichhia leh mipa tihtur/tihawm chi hi an thliar nasa em em a. Eirawngbawlte hi mipa tihturah an dah ngai lo hrim hrim a nih hmel. Pa ber tapchhaka a thutlai pawhin, 'Nu-i, i bai chhuan a liam' tiin nu hman lo chung chung a ko hram zel an ti a nih kha. Pa ber kha a thatchhiat vang a ni lo a, hmeichhe hna a nih avangin tih a tum lo mai a ni. Chutih rual chuan mipa tihtur ang chiah chuan an nu hi a phut lo mai pawh ni loin, a tih ve a phal lo hial zawk ang. Ram lam leh in lama mipa leh hmeichhe tih tur an thliar hrang hrangte chu ngaihtuah chhunzawm atan dah phawt ila.

Infiamma lam han thlir leh lawk ila; Hmanlai chuan hmeichhia an inbah (inkawibah) a, mipa an inhnawk ṭhin. Kawi hmanga infiamma a ni ve ve, mahse, hmeichhiai an hmandan leh mipain an hman dan erawh chu a dang daih a ni. A hmangtute an in an loh avanga a infiamma hming khi danglam ni loin, a infiamma kalmang a danglam vang zawka a hming hi danglam zawk a ni tih kan hriat tlan theuh a rinawm. Kan nu leh pate hunlai velah pawh hian hmeichhia tlem a in-tipa (Patil ang chi) te hi chu mipa inhnawkaah hian an tel ve zauh zauh a ni awm e. Hmeichhia ni si, mipa zinga a tel ve avang khan a inbah a ni chuang lo a, a inhnawk ve mai a ni. Chutiang bawkin mipa ṭhenkhat hmeichhe inbahna a an va

tel ve kha an va inhawk ni loin, an va imbah ve mai a ni. Sawi tur a tam thei awm e, mahse a chiang thawkhat turah ngai leh phawt ila.

Kan hriat phak ve chinah pawh, kan infiamna lar tak chu, rubber band hmanga infiamna hrang hrangte, marble hmanga infiamna hrang hrangte (mipa tan inperhlhu chhiar, in bikhur thur, a-gaia etc.hmeichhia chu an in boli ṭhin emaw ni, tum sawi, chhek last tihte khan in lung a ti leng ve em aw?) kha han ngaihtuah ila. Mipa chu rubber band hmangin kan inkahtlhak, inchhemdelh etc.(Sawi duah lo mai ang, lung a leng dawn tlat- Amara inkahtlhak thiam ṭinzia kha aw!) laiin hmeichhia chu an in rubber zuan (Moto-saikal an ti a maw ni) thung a ni. Keini ang rualah chuan kan inthliar em em lo nain hmeichhe tih ang tih ve kha mipa tam zawk chuan pa lo riauin kan hre tlat a, kan tel tam lo khawp mai. Ama'rawhchu, hmeichhe in rubber zuan naa mipa an va tel ve khan an va in rubber zuan ve mai, an va in kahthlak kan ti hram lem lo (ni miau hek lo le).

Tawktarb:

Kan thupuiah lut dawn tawh ila, tunlai kan mithiamte leh mimirin kan sawi danah chuan, 'Mipain puan an veng a, hmeichhiai puan an bih' tih hi a ni. Thu dik chiangsaah kan ngai a, kan pawm thlap a, sawi sawi ngaiah pawh kan ruat lo a ni mai thei. Hmeichhe thenkhatin, "Puan ka veng" an tih chang hian, "Hmeichhiai puan an veng ngai lo, an bih ṭhin" tih tawngkam hi an dawn fo chu a ni.

Dictionary of the Lushai Language (Pu Buanga Dictionary kan tih mai, kum 1940 a siam) in Puan bih chu 'to wear a cloth with one end fastened tightly below the armpits across the breast and the back and the opposite edge hanging down. This mode is adopted by women when convenient' a ti a. Puan veng chu 'to gird round the waist (as cloth), to wear round the waist(as cloth) a ti leh mai a ni.

phek 3-naah zawm a ni

Phek 3-na	Section Report/ Vengchhung/ etc.	24 th Mar 2013
Taitesena Section		<i>article zawmna.....</i>
<p>□ Ni 24.3.2013 (Pathianni)tlai dar 3:00 hian an hruaitu Tv Laltlanhlua u Tv Zothansanga ralna hun hman tur a ni a, hruaitute kim taka kal turin an hriattir.</p> <p>□ Ni 27.3.2013 hian an hruaitu hlui NI Lalthanpuii'n Chanmari lama pasal a nei tur chu an lawmpui hle.</p> <p>□ Chhingtinte Chhiatni Fund leh Y.M.A Aw man ngaipawimawh turin an ngen nawn leh.</p> <p>□ Y.M.A Chhang Member lak mek a ni a,nu leh paten an fate Member ni rual chu Member a lo ziak lut theuh turin an hriattir.</p> <p>□ Ni 19.3.2013 (thawhleh) zana Fresher Social & Kumpuan Hawnna hun hman naah hruaitu leh Member thahnem tak an kal.</p> <p>□ Chhiatni Fund ₹ 57800 chu Branch Fin.Secy hnenah theh luh tawh a ni.</p>	<p>□ An member Lalremsanga Tlau chuan Dt.22/3/13 khan kawppui duhawm taka nei a, an lawmpuiin fanau maltluan chawia chhungkaw hlim tak an din an duhsak.</p> <p>□ An committee member Pu Lalrinchhana te chhung Guwahati zin pawh tluang takin an lo thleng leh ta.</p> <p>□ Section chhunga in luah tur neite'n pem lekhka mumal tak nei lo chu in luanhku lo turin an ngen.</p> <p>□ Section hruaitu te'n mahni bialah house no. leh name plate nei lo emaw siam that ngai nei te an rawn zawng kual dawn a, a neite chuan lo hriattir nise.</p>	Zoławng Dictionary- R.K. Ngurchhawna, Rev.Z.T.Sangkhuma leh Upa Lalzuia Colney-te thian hoin kum 1997-a an siamah chuan Puan bih chu' Puan sin, puan silh, puana intuam, hmeichhe puan din dan, hmeichhe puan veng, kawng aia sanga tantir. Mizo hmeichhiai puan an bih thin' a ti ve bawk a ni.
Neuva Section	Vanapa Section	<i>A puak ta:</i>
<p>□ Ni 26.3.2013 (Thawhleh) zan hian Committee koh tum a ni</p> <p>□ Sum tuak nan Blanket suk tum a ni a, Blanket suk tur nei chuan hruaitute hnenah hriattir tur a ni</p> <p>□ Vawiin tlai dar 3:00 hian Duty tur a ni a, hruaitute Pasaltha Neuva Inah innghahkhawm tur a ni.</p> <p>□ YMA member ni duh tan Secretary-te hnenah a inpek theih reng.</p> <p>□ Chhingtinte mahni in leh a vel vawngfai turin an inngen.</p>	<p>□ Kar leh hun remchangah YMA Chhangte Faina Hnatlang neih tum a ni</p> <p>□ Pu Lalramhluna Hauhnar te in bul luikawr laihna leivung paikh loa awm reng chu veng chhung tan a hnawk tawh hle a, paikh thuai nise an ti.</p> <p>□ YMA AW man leh Chhiatni Fund tunkar chhunga tifel vek turin hruaitute an inchah</p> <p>□ YMA member veng chhunga buaina siam an awm chuan YMA AW ah an hming tarlan zel a ni tawh ang.</p> <p>□ UPC Biak In chhakah Motor Park lo turin veng mipuite an ngen</p>	<p>Pu Buanga dictionary aṭanga kan enchuan, puan bih chu, "Zakhnuua kal pheia hnute khuh a taksa vetkuala puan an sin thin hi a ni. Hetiang(mode) hian hmeichhia ten an ti thin" a ti mai a. A ti thin tu chu tu pawh nise, a sawi tum zawk chu a tihdanphung (mode) zawk kha nih hmel. Puan veng pawh kawng a puan veh/bah kual sawi nan a hmang leh mai a ni. Mipa an ni emaw hmeichhiai an ni emaw kawng a puan an veh kual chuan an veng a nih mai hmel.</p> <p>Pu R.K.Ngurchhawna te thian ho dictionary han en pawh khian, hmeichhe puan din/ven dan ti tein puan bih chu an hrifiah leh bawk a ni. A dan (mode) zawk hi an sawi tum lam chu a nih hmel zawk viau a ni.</p> <p>Mizo ṭawng dik leh dik lo teh nana kan hman lar tak Bible han thlir tel hram ila; Isaia 32:11 ah chuan, "Hmeichhe awm mai mai te u khur rawh u, mi ngaihsamte u mangang takin awm rawh u, inhlipl ulu, saruakah insiam ula, in kawngah te chuan saiip puan veng rawh u" tih kan hmu a ni. Mizo hmeichhiai puan an bih thin' tih lai kha a pawimawh khawp mai. Thin tih hi hun kal liam tawh sawina a ni chu kan ti thei vek kher lo ang. Amaherawhchu, mizo hmeichhiai puan an bih thin tihah hi chuan hun kal tawh sawi nana hman niin a lang.</p> <p>He thu hi hnial hrat vang hrim hrima ziaka min ngai pawh chhiartute zingah kan awm mai thei. Amaherawhchu, dik zawk ni a ka hriat avang leh ṭhangthar zawk leh naupang zawk ten puan bih awmziai an hriat theihna a nih beisei a ziak ka ni e.</p>
Chawngbawla Section	Khuangchera Section	<i>Hla do:</i>
<p>□ Dt.21/3/13 zan khan section committee meeting Rev. B Ropiang inah an nei.</p> <p>□ Inrinni 23/3/13 khan section sum tuak nan New Horizon School thawmthat hnatlang neih a ni a, member thawkchhuak chungah leh inhlawnha siamsak tute chhungkaw chungah lawmthu an sawi.</p> <p>□ An Fin. Secretary Pu Rosangpuia leh committee member Pu Lalbiakzuala te chu an farnu Pi Lalhmangaihzu (Te-i) chuan a boralsan a, an tawrhpuin an chhungkua Lalpa'n awmpuiin thlamuan turin duhsakna an hlan.</p>	<p>□ In neite'n mahni in luanhku hnenah ni 15 ral hmaa hruaitute hnena Pem Lehkha thehlut tura hriattir thin turin an hriattir.</p> <p>□ Ni 16.3.2013 (Inrinni) khan sum tuak nan Blanket an su, insuk nana Zawlbul hmantirtu Branch YMA chungah lawmthu an sawi. Hnatlanna atan motor hmantirtu Pu KC Gangte leh Pu HV Lalthavela te chungah an lawm hle.</p> <p>□ Eizawnna thil avangin an hruaitu Tv David Malsawmkima chu Guwahati-ah a cham mek.</p> <p>□ Fresher Social leh Kumpuan hawn programme-a member kalte chungah lawmthu an sawi, hruaitu an kalkim thei lo erawh chu pawi an ti hle.</p>	<p>Hmanlaia mizo hmeichhia ten an tih thin dan kha tunah chuan a ṭul tawh kher lo a, mipa tihdanin an kawngah an veng ve tawh a ni mai a, an bih kan lo tih sak hram hi a ṭul lem emaw ni le; Kekawr tlawn/tluan an hak pawhin kekawr a ha kan ti mai a, kekawr a feng kan ti hram lem si lo a. A tawp nan chuan, "Mizo hmeichhiai puan an bih thin a, tunah hi chuan an veng ve tawh" tiin kan tlii ang e.</p>

ADMISSION

Gov't Primary School, Chanmari West ah April ni 2, 2013 atangin admission a tih theih e. Nursery Class-ah English Medium-ah tih tan tur a ni. Hengte a hi free vek a ni ang.
 1) Admission 2) Uniform
 3) Zirlaibu 4) Mid-Day Meal
 Sd/-
 Vanlalthangi,
 Headmistress (9436365344) (2-1)

NEW HORIZON SCHOOL OF EDUCATION
 ADMISSION OPENED FOR CLASS I-XII
 FREE ADMISSION FOR CLASS-I
 Contact. (0389) 2346362, 9436141868 (3-1)

ADMISSION

Free Admission / Free Monthly Fee for Class X (MBSE Course)

Aizawl West Academy, Dawrpui Vengthar.

Class X tan Morning Class hawn mek a ni
Admission Fee: Free Regd.

(₹100 ken tur)

Monthly Fee : Free

Saturday apiangin subject 2 test tur a ni a, **Test Fee** a awm ang. Naupang ti tha tan kum tawpa lak turin stipend siam a ni ang

Class timing: 6:00AM - 8:15AM (X-XII)

Class XI-XII (Arts) admission hawn mek a ni bawk. Admn/Monthly Fee

chawi a ngai. Scholarship a awm.

(Education, Pol.Sc., PA, Geog, History, Sociology, Hindi, English, Mizo)

Contact: 8974437446/9862365768

(3-1)

ADMISSION

Faith Academy, Zonuam, Aizawl chuan class IX, X and XII (Science), Dayscholar leh Hosteller- admission a hawng mek a, hrechiang duh tan a hnuia phone no. tarlanah hian zawf fiah theih a ni e.

Principal -9436350438 / 9862785748
 Mangheta - 9862358337 (2-2)

NIMBU TUI

Nimbu tui fir tha tak lei tur kan nei reng e. Veng chhung mi, Bottle hnih chin lei tan inah kan pe thei bawk e

V.L.Chhunga
Taitesena Sect.
9862926173

(2-2)

World TB Day

(Kan dam chhung hian TB vanga thihna hi i titawp ang u)

- 1 TB hrik hi boruak atanga hip luh a nih avangin mi zawng zawngin kan vei thei.
 - 2 TB vei nia rinhlelh turte chu:
 - a) Chawlkar hnih emaw a aia rei khuh
 - b) Chaw ei tui lo, rihna tlahniam
 - c) Awm chhung na
 - d) Khak thi
 - e) Tlailam khawsik
 - f) Thalbe bawk

(Heng bakah hian taksaa TB awmna a zirin a lan chhuah dan a danglam thei)
 - 3 TB finfiahna leh TB damdawite hi Sawrkar damdawi In bakah, Synod Hospital, Durtlang leh Christian Hospital, Serkawnah te a thlawnin a awm.
 - 4 Chuap TB veite hian kum khat chhungin mi 10-15 an kai chhawng thei a, chuvangin TB natna rang taka hmuhchhuah leh damdawi kim taka ei hi a damna leh inkaichhawn laka vengtu pawimawh ber a ni.
 - 5 TB veiin damdawi a ei that loh chuan, a aia natna khirh leh enkawl dam har tak, MDR-TB (Multi Drug Resistant TB) an vei thei. Mizoram chhungah pawh MDR-TB vei sawmnga chuang hmuhchhuah tawh an ni.
 - 6 MDR-TB vei nia rinhlelhte chu an khak phai lamah thawn a ngai a, Sorkar-in a thlawnin a thawsak bakah damdawi pawh a thlawnna pek an ni.
- TB vanga thihna a awm tawh loh nan mitinte'n tan i la theuh ang u.*

Issued by

State TB Officer

Directorate Of Health Services

Mizoram: Aizawl

ADMISSION OPEN

Nursery to Class -X Admission ti duh tan Office hun chhungin tih theih reng a ni.

Springdale School
Chanmari West, Aizawl

Contact : 9862812084 (4-3)



LODESTAR
SCHOOL
CHANMARI WEST,
AIZAWL
(Near Indoor Stadium)

2013 – 2014 session atan K.G – I admission englai pawhin school hour chhungin a tih theih reng e.

K.G – II atanga Class – VIII tan March ni 1 (Zirtawpni) atangin tih theih a ni bawk ang.

Contact : 9862711823 / 8974287909 / 8794576982 (4-3)

ADMISSION NOTICE

Kum 2013 session atan Chanmari West High School-ah Class IX & X tan Ni 20.3.2013 alangin zing dar 9:30 to 12:00 thleng admission tih theih a ni a. Admission fee \$300/- Sd/- Headmaster

9862367795 / 9862357822 (3-2)

C. ROZAMA & SONS
STEEL & ALLUMINIUM TRADERS

Deals in:

Stainless Steel, Steel & Alluminium

Chanmari Ramhlun Road, Aizawl
Opp. LC Sofa

VENG CHHUNG MITE
DUHSAK BIK AN NI E.

Ph. 0389 2342412 / 9436365889 / 986204619 / 9436159313. (5-3)
 Email : teteachhangte78@gmail.com